

Inatsisartut Naalakkersuisullu pillugit Inatsisartut inatsisaat nr. 11, 20. oktober 1988-imeersaq Atuussimasoq (Historisk)

Kapitel I.

Inatsisartut, Naalakkersuisut, Inatsisartunut qinersisitseqqusineq qinikkatullu atuussinnaassuseq.

§ 1. Inatsisartut nutaamik qinersinerup kingornatigut sapinngisamik piaartumik katersuutissapput kingusinnerpaamillu ullut 45-t qaangiutsinnagit. Ataatsimiigiaqqusisuusaaq ilaasorta q sivilunerpaamik Inatsisartuni ilaasortaasoq, imaluunniit arlallit siviloqatigiimmik ilaasortaappata angajulleq.

Imm. 2. Qinersinerup misilinneqarnissaata Inatsisartullu siulittaasussaani qinersinissap tungaanut Inatsisartut ataatsimiinneri ilaasortamit imm. 1-mi taaneqartumit siulersorneqassapput.

Imm. 3. Inatsisartut ilaasortat akornannit qinersinerup misilinneqarnissaanut ataatsimiititaliamik pilersitsissapput, tassani ilaasortaassallutik ilaasorta imm. 1-mi taaneqartoq siulittaasusussaq, taassumalu toqqagai ilaasortat sisamat.

§ 2. Inatsisartut Inatsisartut siulittaasussaat piffissamut Inatsisartut qinigaaffiannut atuuttussaq ilaasortat akornannit qinissavaat. Qinigassanngortittoq qinigaassaaq, qinigassanngortittoq ilaasortat najuuttut affaanit amerlanerit taappassuk (amerlanerussuteqarluinnartut). Qinigassanngortittut arlaat amerlanerussuteqarluinnartunit taaneqanngippat qinersisoqaqqissaaq. Qinersinermi tassani qinigassanngortittoq amerlanerussuteqarluinnartunit taaneqanngippat, pingajussaani qinigassanngortittut marluk aappasaanik qinersinermi amerlanerpaani taaneqarsimasut taasissutigineqassapput. Taasinerit amerlaqatigiippata qinersineq makitsinikkut aalajangerneqassaaq.

Imm. 2. Aammattaaq Inatsisartut qanoq amerlatigineq naapertorlugu qinerseriaaseq malillugu siulittaasumut kingoraartaasartussat ataatsikkoortumik qinissavaat, siulleq, aappaa, pingajuat sisamaallu, taakkulu siulittaasoq peqatigalugu Inatsisartut Siulittaasoqarfiattut atuutissapput. Siulittaasup tullissaani qinersinermi siulittaasup qinikkatut inissaq siulleq siulittaasup taaseqatigisartagaani pineqartussaq pissavaa.

§ 3. Inatsisartut Naalakkersuisut qinissavaat Namminersornerullutik Oqartussat susassaqarfiinik/ingerlatsiveqarfiinik ingerlatsisussat. Naalakkersuisut ilaasortarissavai Naalakkersuisut siulittaasuat aamma Naalakkersuisunut ilaasortat marlunniit arfinilinnut amerlassusillit.

Imm. 2. Naalakkersuisut siulittaasuat Inatsisartunut ilaasortat akornanni qinerneqassaaq § 2, imm. 1-mi allassimasut naapertorlugit.

Imm. 3. Namminersornerullutik Oqartussani suliassaqarfiit amerlassusii annertussusiilu aallaavigalugit suliassaqarfinnullu taakkua agguataarneqarneranni Naalakkersuisunut siulittaasup Inatsisartunut inassutigissavaa Naalakkersuisunut ilaasortassat marlunniit arfinilinnut amerlassuseqartut aqqisigut taaneqarsimasut ataatsikkoortumik qineqqullugit.

Imm. 4. Naalakkersuisunut ilaasortassani qinersineqassaaq Naalakkersuisut siulittaasuaata Naalakkersuisunut ilaasortassatut qineqqullugit siunnersuutai saqqummiunneqartut ataatsimoortillugit taasissutigineqarnerisigut.

§ 4. Namminersornerullutik Oqartussat suliassa qarfiisa ingerlanneqarneri Naalakkersuisut akisussaaffigaat.

Imm. 2. Naalakkersuisut aamma Naalakkersuisunut ilaasortaata asiakkaat akisussaaffii Inatsisartut inatsisaatigut aalajangerneqassapput.

Imm. 3. Suliassat Naalakkersuisunut ilaasortat akornanni agguataarneqassapput Naalakkersuisut siulittaasuata aalajangersagai naapertorlugit.

§ 5. Naalakkersuisunut siulittaasoq aamma Naalakkersuisunut ilaasortat qinerneqassapput piffissamut Inatsisartut qinikkatut atuuffiannut.

Imm. 2. Taamaattorli amerlanerussuteqartut, Inatsisartunut ilaasortat affaat sinnerlugit amerlassuseqartut, akuersissutigisinnaavaat, Naalakkersuisut imaluunniit Naalakkersuisunut ilaasortat asiakkaat piffissami qinigaaffiup sinnerani atuukkunnaarsinneqassasut § 8, imm. 1-mi taaneqartunit allaaneruninik pissuteqartumik. Naalakkersuisut tamarmik atuukkunnaarsinneqarpata nutaamik qinersisoqassaaq § 3-mi allasimasutut.

Imm. 3. Naalakkersuisunut ilaasortat asiakkaat atuukkunnaarsinneqarpata imaluunniit toquppata Naalakkersuisunut siulittaasup inassuteqarnera naapertorlugu ilaasortassamik nutaamik taasineqassaaq piffissami qinigaaffiup sinnerani atuuttussamik, Naalakkersuisunut siulittaasup ilaasortap atuukkunnartup suliassa qarfi Naalakkersuisunut ilaasortanut allanut nuunneqarnissaat aalaj angingippagu.

Imm. 4. Inatsisartut Naalakkersuisut siulittaasuata atuukkunnaarsippasut Naalakkersuisut ataatsimoorlutik tunuassapput.

Imm. 5. Naalakkersuisut imaluunniit Naalakkersuisunut ilaasortaata aseq Inatsisartunit atuukkunnaarsinneqarpata Naalakkersuisut siulittaasuata Inatsisartunut nutaamik qinersisitseqqusisnaavoq.

Imm. 6. Naalakkersuisunut siulittaasup paasiguniuk nutaanik Naalakkersuisunngortitsisoqarsinnaanngitsoq nutaamik qinersisitsissaaq.

Imm. 7. Naalakkersuisunut siulittaasoq nutaamik Inatsisartunut qinersisitseqqusissaaq piffissap qinigaaffiup atuuffiata naannginnerani.

Imm. 8. Naalakkersuisunut siulittaasoq aamma Naalakkersuisunut ilaasortaata utissapput siulittaasumik aamma Naalakkersuisunut ilaasortamik nutaanik qinersisoqareerserlugu imaluunniit suliassat Naalakkersuisunut ilaasortanut allanut agguanneqareerserlugit.

Imm. 9. Inatsisartunut qinersinermut malittarisassat immikkut Inatsisartut inatsisaatigut aalajangerneqassapput.

§ 6. Inatsisartunut ilaasortaata inaarutaasumik eqqartuussissutikkut imaluunniit akiliisitaanissamik akuersissuteqarnikkut pinerluttulerinermi inatsit naapertorlugu Inatsisartunut ilaasortaanissaminut nalinginnaasumik isigineqarnermini naleqqukkunnaarutigisaminik pineqaatissinneqarsimappat qinersinerup misilinneqarnissaanut ataatsimiititaliap inassuteqarnera naapertorlugu Inatsisartut aalajangissavaat qanoq iliuuseq ilaasortap eqqartuunneqaatigisaa pineqartup Inatsisartuni ilaasortaaginnarnissaanut naleqqukkunnaarutaanersoq.

§ 7. Inatsisartunut ilaasortaanani Naalakkersuisunut ilaasortap Inatsisartunut qinigaasinnaaneq pillugu aalajangersakkat sukkulluunniit atuuttut naammassisimassavai. Inatsisartut suliassat taamaattut

aalajangiiffigisassavaat ataatsimiititaliap § 1, imm. 3-mi taaneqartup inassuteqarnera naapertorlugu.

§ 8. Inatsisartunut imaluunniit Naalakkersuisunut ilaasortaq tunuarumalluni qinnuteqaateqarpat, imaluunniit Inatsisartunut ilaasortaq peqqiilliornerminik, inuutissarsiutiminik assigisaanilluunniit pingaarutilimmik peqquteqarluni sulinnigiffeqarumalluni qinnuteqaateqarpat, Inatsisartut aalajangissavaat qinnuteqaat akuerineqarsinnaanersoq.

Imm. 2. Inatsisartunut ilaasortaq Inatsisartut ataatsimiinneranni peqataasinnaangikkallassaguni Inatsisartut siulittaasuannut nalunaaruteqassaaq. Inatsisartut aalajangissavaat suut peqataanginnissamut peqqutissaviunersut. Taamaattorli folketingip ataatsimiinnerinut peqataaneq pissutissaqavilluni peqataanginnertut isigineqassaaq.

Imm. 3. Inatsisartunut ilaasortaq ilaasortaanerminut tunuarpat, toquppat, sulinnigiffeqartitaalerpat imaluunniit pissutissaqavilluni peqataasinnaajunnaarpat taassuma sinniisussaa Inatsisartut ataatsimiinnerinut peqataajartoqqullugu ataatsimiigiaqquneqassaaq. Sinniisussap qinigaasinnaanera misissorneqassaaq § 6-imi aamma § 1, imm. 3-mi malittarisassat naapertorlugit. Ilaasortaq sulinnigiffeqareerluni pissutissaqavilluniluunniit peqataasinnaajunnaarsimalluni Inatsisartuni sulinerminut uteqqippat sinniisussaq tunuassaaq.

Kapitali II.

Inatsisartut ataatsimiittarneri.

§ 9. Inatsisartut ikinnerpaamik ukiumut maloriarlutik ileqquusumik ataatsimiittassapput.

Imm. 2. Inatsisartut taakku saniatigut ataatsimiittassapput Inatsisartut siulittaasuata pisariaqartileraangagu, aamma ataatsimiittassallutik Naalakkersuisut siulittaasuata imaluunniit Inatsisartunut ilaasortat ikinnerpaamik affaasa piumasarigaangassuk.

Imm. 3. Naalagaaffiup Sinniisaata Inatsisartut tamanut ammasumik ataatsimiinneri najuuffigisinnaavai. Inatsisartut pisariaqartitsineq naapertorlugu Naalagaaffiup Sinniisaa qinnuigisarsinnaavaat Inatsisartut ataatsimiinneranni peqataaqqullugu.

Imm. 4. Inatsisartut ileqquusumik ataatsimiinnerminni aalajangissavaat Inatsisartut tullianik ileqquusumik ataatsimiinnissaata ullussaa.

§ 10. Siulittaasoqarfiup ataatsimiinnissaq sioqqullugu Inatsisartut ilaasortaannut Naalagaaffiullu Sinniisaanut nassitutissavai oqaluuserisassat ilaasortanit ataasiakkaanit, partiinit, Naalakkersuisunit imaluunniit danskit naalakkersuisunit Inatsisartunut aalajangiiffigisassanngorlugit oqaaseeqarfigisassanngorlugilluunniit nassiunneqarsimasut apeqqutillumi allat oqaluuserineqassangatitat nalunaarsorneri. Nalunaarsuutit taakku tamanut saqqummiunneqassapput.

Imm. 2. Kikkulluunniit allat imm. 1-mi taaneqanngitsut suliassanik Inatsisartunut oqaluuserisassanngortitsisinnaangillat.

Imm. 3. Siunnersuutit, apeqquteqaatit suliassalluunniit allat danskit naalakkersuisunit Naalakkersuisunilluunniit nukinginnartutut oqaatigineqartut Inatsisartut katersuussimaneranni pineqartumi ullormut oqaluuserisassanut ilanngunneqassapput.

Imm. 4. Inatsisartut Suleriaasianni Inatsisartut aalajangersassavaat suliassat qanoq ililluni Inatsisartunut saqqummiunneqartassasut, tamatumunnga peqatigitillugu qanoq iluseqassanersut, qanoq

sioqqupsitigisumik, qanoq siviutigisumik oqaluttoqartassanersoq il.il.

§ 11. Inatsisartut siulittaasuata, siulittaasulluunniit tulliaata siulliup, aappaata, pingajuata sisamaatalu tulleriinnertik naapertorlugu Inatsisartut ataatsimiinneri aqussavaat.

Imm. 2. Siulittaasoqarfimmut ilaasorta q suliamik Inatsisartunut saqqummiunneqartumi saqqummiussisuusoq oqaaseqartuusorluunniit suliap oqaluuserineqarnerani ataatsimiinnermi aqutsisuusinnaangilaq.

§ 12. Inatsisartut ataatsimiinneri tamanut ammasuupput. Taamaattorli Inatsisartut isumaqatigiissutigisinnaavaat suliaassat ataasiakkaat matoqqasumik ataatsimiinnermi oqaluuserineqassasut, tamanna Inatsisartunit ataatsimiinnermilluunniit aqutsisumit aalajangerneqarpat.

Imm. 2. Nersornaasiissutissat Inatsisartunit tunniunneqartussat matoqqasumik ataatsimiissutigineqassapput.

§ 13. Inatsisartut ataatsimiinneri kalaallisut ingerlanneqassapput, danskisulli aamma malinnaaffigineqarsinnaassallutik.

Kapitali III.

Ataatsimiititaliat il.il.

§ 14. Inatsisartut Siulittaasoqarfia ullormut oqaluuserisassat pillugit ataatsimiititaliatut atuutissaaq.

Imm. 2. Siulittaasoqarfiup qinerneqareernissaata tungaanut siulittaasuogallartoq ilaasortallu marluk Inatsisartunit toqqakkat ullormut oqaluuserisassat pillugit ataatsimiititaliaagallartutut atuutissapput.

§ 15. Inatsisartut inissitsitissallutik ataatsimeeqqaarnerminni ataatsimiititaliat uku pilersissavaat Naalackersuisunut ilaasortaangitsunik Inatsisartunut ilaasortanik tallimanik ilaasortallit:

1) Inatsisartut aningaasaqarnermut ataatsimiititaliaat.

2) Landskasep naatsorsuutaasa kukkunersiorneqarnerannut ataatsimiititaliaq.

3) Nunanut allanut illersornissamullu naalackersuinikkut ingerlatsineq pillugu Naalackersuisunit nassuiaatinik paasissutissiissutinillu misissuisarnermut ataatsimiititaliaq. Kalaallit Nunaata folketingimi ilaasortai marluk ataatsimiititaliami taaseqataasinnaanatik peqataasarput.

Imm. 2. Ataatsimiititaliat suleriaasissartik nammineq aalajangersassavaat, ataatsimiititaliallu ataasiakkaat iluminni suliaassat ilaasortat akornanni agguaatassallugit, tamanna tulluorsorigunikku.

§ 16. Aningaasaqarnermut ataatsimiititaliaq Inatsisartut aningaasanut inatsisissaanut siunnersuutip siullermeerlugu aappasaaneerlugulu oqaluuserineqarnerata akornanni landskasep aningaasanut atugassatut missingersuusiaanut siunnersuutit pillugit isumaliutissiisuteqassaaq, Inatsisartut isertitanut aningaasartuutinullu politikkerisaanut najoqqutassianut pingaarnernut oqaaseqarfiginnillunilu siunnersuuteqartassalluni kiisalu suliaassat Inatsisartunit Naalackersuisunilluunniit ataatsimiititaliamut innersuunneqarsimasut pillugit oqaaseqartassalluni.

Imm. 2. Aningaasaqarnermut ataatsimiititaliap Inatsisartut ataatsimiinngikkaangata sinnerlugit aningaasanut inatsisip akuersissutigineqarnerani siunertanut aningaasartuutissatut naatsorsuutigineqarsimanngitsut aningaasartuutissanngorlugit akuersissutigisinnaavai.

Imm. 3. Aningaasaqarnermut ataatsimiititaliap aningaasartuutissatut akuersissutai ukiumoortumik

ilassutitut aningaasanut atugassanngortitanut inatsimmut katersorneqassapput, Inatsisartullu ileqquusumik kingullermeerlutik ataatsimiinneranni aningaasat ukiuanni pineqartumi oqaluuserineqassallutik.

Imm. 4. Naalakkersuisut aningaasanut inatsisip suliarineqarneranut maleruaqqusat aalajangersassavaat aningaasat atugassat missingersuusiorneqarnerinut najoqqutassani.

§ 17. Landskasep naatsorsutaasa kukkunersiorneqarnerannut ataatsimiititaliap landskasep naatsorsuutai kukkunersiuisullu taakkununga oqaaseqaataat ukiumut ataasiarluni misissuataassavai, naatsorsuutillu pisariaqalersitaannik Naalakkersuisunut apeqquteqarlutillu oqaaseqarfiginnittassallutik. Apeqqutit oqaaseqaatillu Naalakkersuisut akissutaat ilanngullugit Inatsisartunut saqqummiunneqassapput.

Imm. 2. Ataatsimiititaliap suliaminut atugassatut pisariaqartitani paasissutissat, ilanngussat (bilagit), nalunaarusiat il.il. pisortanit naatsorsuuserisunit piniarsinnaavai. Ataatsimiititaliamut ilaasortap arlaata kissaatigippagu paasissutissat taaneqartut ataatsimiititaliamit piniarneqassapput.

§ 18. Naalakkersuisunut siulittaasup Inatsisartuni ataatsimiinnissaq sioqqullugu Nunanut allanut illersornissamullu naalakkersuinikkut ingerlatsineq pillugu nassuiaatit paasissutissallu Kalaallit Nunaannut soqutiginaateqartut nassiutissavai. Paasissutissat ataatsimiititaliap taassuma ataatsimiinnerani aammattaaq oqatsitigut ilisimatitsissutigineqarsinnaapput.

Imm. 2. Ataatsimiititaliami paasissutissat tiguineqartut oqaloqatigiissutigineqassapput, paasissutissiissutillu aamma ataatsimiititaliami isumaliutersuutit pisariaqalersitaannik apeqqutit oqaaseqaatillu ataatsimiititaliamit saqqummiunneqarlutik.

Imm. 3. Ataatsimiititaliap allaffikkut suliassaatai Naalakkersuisut siulittaasuata allattoqarfianit isumagineqassapput.

Imm. 4. Ataatsimiititaliami ilaasortat taaseqataasinnaanatik peqataasut allallu ataatsimiititaliap ataatsimiinnerini najuuttariaqarsimasut pissussaapput ataatsimiititaliami ilisimatitsissutigineqartut isertuunnissaannut qallunaat naalakersuisui Naalakkersuisullu allanit tusagasaanngitsunik ilisimatitsissuteqarnerat naapertorlugu, tamatumalu saniatigut ataatsimiititaliap siulittaasuata aalajangiinera naapertorlugu. Ilaasortap nutaap taamatut pisussaaffeqarnini ilumoorluinnarluni naalakkumallugu allaganngorlugu tunniutissavaa.

§ 19. Inatsisartut ataatsimiititalianik ataavartunik ataatsimiititaliaagallartunilluunniit pilersitsissapput erseqqinnerusumik aalajangersakkat naapertorlugit. Ataatsimiititaliap nammineq siulittaasussani qinissavaa tamatumunnga allamik aalajangersagaqanngippat.

Imm. 2. Suliaq suliarineqarnermini sukkulluunniit ataatsimiititaliuullugu ataatsimiititaliaasimasumulluunniit suliassanngortinneqarsinnaavoq. Inatsisartut suliap oqaluuserineqarnera unitsikkallassavaat, ataatsimiititaliami isumaliutersuutit naammassineqareerserlugit.

Imm. 3. Ataatsimiititaliap ataatsimiinnermi inernerat Inatsisartunut isumaliutissiissutinngorlugu saqqummiutissavaa tamatumunnga allamik aalajangersagaqanngippat.

Imm. 4. Partiit toqqarneqarsimasut taaseqatigiittartulluunniit ilaasortap tunuarnerani ataatsimiititaliami ilaasortaatitilik ilasinnavaat partiit taaseqatigiittartulluunniit Inatsisartut siulittaasuannut nalunaaruteqarpata.

§ 20. Inatsisartut qinigaaffiup atuuffiani § 5, imm. 2-mi oqaaseqatigiit kingulliit naapertorlugit Naalakkersuisut atorunnaarsippatigit Naalakkersuisunillu § 3 naapertorlugu nutaanik qinersillutik Inatsisartut nutaamik qinigaaffiup naanissaata tungaanut atuuttussamik inissitissapput.

§ 21. Inatsisartut inissitissallutik katersuuteqqaarnerminni qinissavaat siunnersuisoqatigiit, ataatsimiititaliat, siulersuisoqatigiit il.il., Inatsisartut sinniisuutitaqarfiini ilaasortaatisat, inatsisikkut, Inatsisartut peqqussutaatigit Inatsisartulluunniit aalajangiineratigit allakkut allamik aalajangiineqarsimangippat imaluunniit suliffeqarfiup pineqartup ileqqoreqqusaasigut, taakku Inatsisartunit allangortinneqarsinnaangippata.

Kapitali IV.

Inatsisartut inatsisissaannut aamma Inatsisartut peqqussutissaannut siunnersuutit il.il. saqqummiunneqarneri.

§ 22. Inatsisartunut ilaasortat Naalakkersuisullu Inatsisartut inatsisissaannut Inatsisartullu peqqussutissaannut siunnersuutit saqqummiussaarsinnaapput. Inatsisartut inatsisissaannut Inatsisartullu peqqussutissaannut siunnersuutit Inatsisartunut saqqummiunneqarnerminni inatsisut iluseqassapput, pingasoriarlutillu oqaluuserineqassallutik. Ullormut oqaluuserisassat siunnersuutit nalunaarutigineqarneri pillugit malittarisassat Inatsisartut aalajangersarsinnaavaat tamakkununga ilanngullugit piffissat qanorlu iluseqarnissaat.

Imm. 2. Inatsisartut suleriaasianni aalajangersarneqassapput allannguutissatut siunnersuutit saqqummiunneqarnerinut malittarisassat.

Imm. 3. Siunnersuutit kingullermeerlugit taasissutigineqassapput ilusissavimmitut iluseqarlutik.

§ 23. Naalakkersuisut aningaasat akiuannut tulliuuttumut Inatsisartut aningaasanut inatsisissaannut siunnersuut Inatsisartut ileqquusumik ukiakkut ataatsimiinneranni saqqummiutissavaat.

Imm. 2. Inatsisartut aningaasanut inatsisaat inaarutaasumik akuersissutigineqassaaq kingusinnerpaamik 1. november aningaasat ukiuat inatsimmi pineqartoq sioqqullugu.

Imm. 3. Aningaasartuutit suulluunniit akilerneqarsinnaangillat aamma sunilluunniit aningaasanik isertitsisoqarsinnaangilaq Inatsisartut aningaasanut inatsisaanni Inatsisartunit akuersissutigineqarsimasumi imaluunniit utaqqisaagallartumik Inatsisartut ilassutitut aningaasanut atugassanngortitanut inatsisaanni tunngavissaqanngippat, taamaattorli takuuk § 16, imm. 2.

§ 24. Inatsisartunit Inatsisartut inatsisissaannut aamma Inatsisartut peqqussutissaannut siunnersuutit akuersissutigineqarsimasut atortussanngortinneqassagunik Naalakkersuisut siulittaasuannit Naalakkersuisuni ilaasortaq inatsimmik atortitsisussaq imaluunniit taassuma Naalakkersuisoqarfiani pisortaq peqatigalugu atortussanngortinneqassapput.

Imm. 2. Naalakkersuisut piffissaritinneqartoq ullunik 8-nik sivilissusilik qaangiutsinnagu aalajangersinnaavaat, atortussanngortitsinissaq kinguartinneqassasoq siunnersuut tullianik Inatsisartut ataatsimiinneranni akuersissutigineqareerserlugu. Siunnersuut allanngortinneqarani ataatsimiinnermi tamatumani akuersissutigineqanngippat atortussaaj unnaarsinneqassaaq.

§ 25. Inatsisartut inatsisaat aamma Inatsisartut peqqussutaat kiisalu Namminersornerullutik

Oqartussat Nalunaarutaat allamik aalajangersagaqanngippat sapaatit akunneri marluk qaangiullutik ulluanni atortuulissapput Naalagaaffiup sinniisuanut, politinut, kommunenut eqqartuussiveqarfinnullu nassiunneqareernermik kingornagut.

Imm. 2. Imm. 1-mi allassimasutut nassiussineq tassaavoq nalunaarutiginninnermik periaaseq pisussaassuseqarfisassaq.

Imm. 3. Naalackersuisut isumagissavaat Inatsisartut inatsisaat, Inatsisartut peqqussutaat Namminersornerullutillu Oqartussat nalunaarutaat Nalunaarutini tamanut nalunaarutigineqarnissaat.

§ 26. Siunnersuutit allat nammineerluni saqqummiussat § 22-mi taaneqanngitsut Inatsisartuni ataasiarluni oqaluuserineqassapput, tamakkulu unitsikkallarnejarsinnaapput ataatsimiititaliami oqaluuserineqarnissaat, paasissutissanik pissarsiniarnissaq il.il. siunertaralugit.

Imm. 2. Inatsisartut siulittaasoqarfiata siunnersuummik saqqummiussisoq Inatsisartut oqaluuserinninnerminni naammassisaannik nalunaarfigissavaat.

§ 27. § 22-mi aamma § 26-mi siunnersuutitut taaneqartunut allannguutissatut siunnersuutit Inatsisartuni taasissutigineqassagunik allaganngorlugit saqqummiunneqassapput.

§ 28. Ilaasortaq pisortat susassarisaat pillugu paasissutissanik pissarserusukkuni Naalackersuisunut apeqquteqaateqassaaq. Apeqqut allaganngorlugit tunngavilersorneqassaaq.

Kapitali V.

Qinersineq taasinerillu allat.

§ 29. Inatsisartut aalajangiisinnaapput ikinnerpaamik ilaasortat affaat najuuppata.

Imm. 2. Aalajangiinerit tamarmik taasinermi amerlanerit isumaqataanerisigut pisassapput allatut aalajangiisoqarsimangippat.

Imm. 3. Taasineqarnerani siunnersuummut isumaqataasut akerliusullu amerlaqatigiippata siunnersuut tunuartinneqassaaq.

§ 30. Ataatsimiititaliamut pisortatigulluunniit sinniisuuffimmut allamut qinigaasinnaassagaanni Inatsisartut ataatsimiittarfiani Inatsisartunut ilaasortamit qinigassatut siunnersuutigineqartariaqarpoq.

Imm. 2. Ataatsimiititaliamut pisortatigulluunniit sinniisuuffimmut allamut ilaasortassanik marlunnik amerlanerusunilluunniit qinersinermi qanoq amerlassuseqarneq naapertorlugit qinersineq atorneqassaaq.

Imm. 3. Inatsit manna malillugu qanoq amerlassuseqarneq naapertorlugit qinersineq d'Hondtip periaasia aallaavigalugu pisassaaq makku malillugit:

Inatsisartunut ilaasortat immikkoortunut qinersinissami pineqartumi qanoq taaseqatigiikkumanertik pillugu siulittaasumut nalunaarsimanertik naapertorlugit avinneqassapput. Immikkoortut tamarmik immikkut amerlassusii 1-mik, 2-mik, 3-mik il.il. agguarneqassapput. Inernerit taamaalilluni pissarsiarineqarlutik aalajangissavaat immikkoortut qanoq tulleriinneqarlutik sinniisorisassaminnik qinersissanersut. Inernerit marluk amerlanerusulluunniit assigiippata qanoq tulleriinneqarnissaq makitsinikkut aalajangerneqassaaq.

Imm. 4. Inuk ataasiinnaq qinigaasussaagaangat taasisut amerlanerusuteqarluinnarnissaat piumasarineqarpoq. Qinigassanngortittut arlaat taasinermi siullermi amerlanerusuteqarluinnartunit

taaneqanngippat taasisitsisoqaqqissaaq. Taasineq taanna aamma qinigassanngortittumut amerlanerussuteqarfiunngippat aappassaaneerluni taasinermi amerlaneraarsimasut marluk pingajussaaneerluni taasisutigineqassapput. Tamatumani taasinermi naligiippata qinersineq makitsinikkut aalajangerneqassaaq.

Imm. 5. Qinersinerit tamarmik sivisunerpaamik ukiunut sisamanut atuutissapput, allatullu ittumik aalajangiineqarsimatinnagu qinersineq Inatsisartut qinikkatut atuuffiannut atuutissaaq, taamaattorli takuuk § 20.

§ 31. Taasinerit pissapput ilaasortat nikuinnerisigut. Taamaattorli ataatsimiititalianut il.il. ilaasortassanik qinersinerit allalluni pisinnaapput amerlanerit piumasarippassuk.

Imm. 2. Ilaasortat Inatsisartut taasinerinut taamaallaat peqataasinnaapput namminneerlutik najuukkunik.

Imm. 3. Ataatsimiinnermi aqutsisuusoq isumaqaruni tamarmik isumaqatigiittut nalunaarutigisinnaavaa siunnersuut taasineritaqanngitsumik akuersissutigineqartoq. Ilaasortap kialluunniit taasinessaq piumasarisinnaavaa, aamma Inatsisartut inatsisissaannut Inatsisartullu peqqussutissaannut siunnersuutit pingajussaaneerlutik oqaluuserineqareermikkut taasisutigineqartassapput.

§ 32. Siunnersuutit Inatsisartut ataatsimiinnermi taannaasumi akuersissutigisaat, ataatsimiinnermi taannaasumi aatsaat allanngortinneqarsinnaapput Inatsisartunut ilaasortat tamavimmik 3/5-iisa taasillutik piumasarippassuk.

Kapitali VI.

Aalajangersakkat allat.

§ 33. Inatsisartut katersuussimagallartillugit Inatsisartunut ilaasortat arlaannaalluunniit unnerluutigisatut sassartinneqarsinnaanngilaq Inatsisartullu akuersissuteqartinnagit qanorluunniit ittumik kiffaanngissusiagaasinnaanani, ilaasortaq qaninngarneqanngippat.

Imm. 2. Inatsisartut ilaasortaat arlaannaalluunniit Inatsisartuni oqaaserisaminut Inatsisartut akuersissuteqartinnagit avataani akisussaatinneqarsinnaanngilaq.

§ 34. Inatsisartut ataatsimiissutaat tamanut nalunaarutigineqassapput kalaallisut qallunaatullu Inatsisartut Siulittaasoqarfiata nakkutigisaanik takussutissiornikkut nuutsinnerilu Inatsisartut ilaasortaannut, Naalagaaffiup Sinniisaanut, qallunaat naalakkersuisuinut kommunalbestyrelsenullu nassiunneqassallutik.

§ 35. Naalakkersuisunut ilaasortatut Inatsisartunullu ilaasortatut suliaqarnermut Inatsisartunillu toqqagaalluni sinniisuunernut aningaasarsiat immikkut Inatsisartut inatsisaatigut aalajangersarneqassapput.

§ 36. Inatsisartut Siulittaasoqarfiata isumagissavaa Inatsisartut pappiaraataasa toqqortassat isumannaatumik paarineqarnissaat.

Kapitali VII.

Atortuulersitsineq.

§ 37. Inatsisartut inatsisaat manna atuutilerpoq 1. november 1988. Tamatumunnga peqatigitillugu Inatsisartut inatsisaat nr. 1 7. maj 1979-imeersoq, Inatsisartut inatsisaatigut nr. 9 18. oktober 1982-imi, Inatsisartut inatsisaatigut nr. 1 21. marts 1984-imi aamma Inatsisartut inatsisaatigut nr. 3 19. juni 1984-imi allangortinneqarsimasoq atorunnaarpoq.

Imm. 2. Taamaakkaluartoq inatsit manna akuersissutigineqarniariapat § 2-mi Siulittaasoqarfittut taaneqartoq Inatsisartut pilersissavaat kapitalimilu III-mi taaneqartut ataatsimiititaliat kiisalu Inatsisartut sinniisuutitaqarfiini, siunnersuisoqatigiinni, ataatsimiititaliani, siulersuisoqatigiinni il.il. ilaasortaatitassat qinissallugit.

Imm. 3. Maleruaqqusat imm. 1-mi taaneqartut inatsit maannamut atuuttoq naapertorlugu aalajangersarneqarsimasut atortuinnassapput taarserneqarnissamik tungaannut imaluunniit maleruaqqusatigut matumani aalajangersakkatigut Inatsisartulluunniit inatsisaasigut allatigut atortuujunnaarserlutik.

Namminersornerullutik Oqartussat, ulloq 20. oktober 1988.

Jonathan Motzfeldt

/

Lars Vesterbirk